

Broj: 01-05-6-02897/2019-3
Sarajevo, 05.07.2019. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-05-6-02897/2019-2 od 04.07.2019. godine, Direktor Federalne uprave za inspeksijske poslove u ime ugovornog organa, donosi,

O D L U K U

o izboru najpovoljnijeg ponuđača i dodjeli ugovora o nabavci roba – kancelarijski materijal

Član 1.

Prihvata se preporuka Komisije za javnu nabavku broj 01-05-6-02897/2019-2 od 04.07.2019. godine, te se ugovor o javnoj nabavci roba – kancelarijski materijal za potrebe Federalne uprave za inspeksijske poslove dodjeljuje ponuđaču „Svjetlost Sars“ d.d. Sarajevo, koji je nakon provedenog postupka konkurentskog zahtjeva uz primjenu e-aukcije ponudio najnižu cijenu u iznosu od 15.350,00 KM.

Član 2.

Ugovor sa ponuđačem iz člana 1. ove odluke će se zaključiti pod slijedećim uslovima:

- **ukupna cijena** bez uračunatog PDV-a 15.350,00 KM, odnosno 17.959,50 sa uračunatim PDV-om
- **isporuka roba** će se vršiti sukcesivno u skladu sa potrebama Ugovornog organa u roku od 3 (tri) dana od dana prijema pismene narudžbe
- **mjesto isporuke roba** je sjedište ugovornog organa u Sarajevu, Fehima ef. Čurčića broj 6
- **ugovor će se zaključiti** na period od 1 godine dana, a primjenjivat će se počev od 28.09.2019. godine
- **rok plaćanja je** 30 dana od dana prijema fakture za isporučene robe na protokol ugovornog organa.

Član 3.

Ponuđač „Svjetlost Sars“ d.d. Sarajevo je dužan u roku od 5 (pet) dana od dana prijema ove odluke dostaviti uvjerenja nadležnih organa kojim dokazuje slijedeće činjenice:

- uvjerenje nadležnog suda da nije pravomoćnom sudskom presudom u krivičnom postupku osuđen za krivična djela organiziranog kriminala, korupcije, prijevare ili pranja novca u skladu sa važećim propisima u Bosni i Hercegovini
- uvjerenje nadležnog suda da nije pod stečajem, odnosno da nije predmet stečajnog postupka ili predmet likvidacijskog postupka
- uvjerenje nadležne poreske uprave na osnovu koje se može utvrditi da uredno izmiruje obaveze za penziono i invalidsko osiguranje i zdravstveno osiguranje
- uvjerenja nadležnih organa da uredno izmiruje obaveze po osnovu direktnih i indirektnih poreza.

Dokazi iz prethodnog stava ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili iste ne dostavi na način i u formi kako je to traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

Član 4.

Po okončanju žalbenog roka ugovorni organ će sa ponuđačem iz člana 1. ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

Član 5.

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Na osnovu odluke direktora Federalne uprave za inspeksijske poslove broj 01-05-6-02897/2019 od 07.06.2019. godine pokrenut je postupak konkurentskog zahtjeva uz primjenu e-aukcije za nabavku roba-kancelarijski materijal za potrebe Federalne uprave za inspeksijske poslove, čija nabavka je planirana Planom nabavki uprave za 2019. godinu-robe, redni broj 1, a procijenjena vrijednost nabavke iznosi 18.000,00 KM, bez uračunatog PDV-a.

Obavještenje o javnoj nabavci broj 1292-7-1-7-3-6/19 je objavljeno na Portalu javnih nabavki dana 13.06.2019. godine.

Tenderska dokumentacija je učinjena dostupnom potencijalnim ponuđačima na Portalu javnih nabavki, te je ista u skladu sa članom 80. stav (1) Zakona o javnim nabavkama BiH upućena na adrese 3 potencijalna ponuđača.

Dana 28.06.2018. godine izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponude dostavili slijedeći ponuđači sa pročitanim vrijednostima ponuda:

Naziv/ime ponuđača	Ukupna cijena ponude
„Svjetlost Sars“ d.d. Sarajevo	19.476,90 KM (bez PDV-a) 22.787,97 KM (sa PDV-om)
„Elkom“ d.o.o. Vitez	21.028,40 KM (bez PDV-a) 24.603,22 KM (sa PDV-om)

Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata, kojom prilikom je utvrdila da svi naprijed navedeni ponuđači dostavili uredne ponude u skladu sa zahtjevima tenderske dokumentacije, te da ne postoje razlozi za odbacivanje ponude bilo kojeg od ponuđača.

U daljem toku postupka Komisija je izvršila provjeru računске ispravnosti dostavljenih ponuda, te tom prilikom nije utvrdila računске greške u ponudama.

Postupak e-aukcije je zakazan za dan 04.07.2019. godine sa početkom u 12:00:00 sati i isti je prema izvještaju AJN trajao do 12:46:00 sati. Komisija je izvršila uvid u Izvještaj o toku i završetku e-aukcije za koju je konstatovano da je uspješno provedena, te da je ponuđač „Svjetlost Sars“ d.d. Sarajevo kao svoju

Fehima ef.Čurčića br.6, 71000 Sarajevo, telefon 033 563 350, fax 033 563 351,
e-mail: info@fuzip.gov.ba, www.fuzip.gov.ba

konačnu cijenu bez PDV-a u postupku e-aukcije ponudio cijenu od 15.350,00 KM, a ponuđač "Elkom" d.o.o. Vitez cijenu od 15.480,00 KM, sve bez uračunatog PDV-a.

Komisija je upoređivanjem početne cijene ponuđača „Svjetlost Sars“ d.d. Sarajevo sa cijenom koja je data u postupku e-aukcije utvrdila da je ovaj ponuđač ukupnu cijenu svoje ponude umanjio u procentualnom iznosu od 21,189%, te će se od navedenog ponuđača tražiti da u skladu sa članom 8. stav (3) Pravilnika o uslovima i načinu korištenja e-aukcije izvrši umanjivanje cijena za svaku od pozicija specifikacije koja je sastavni dio prvobitno dostavljene ponude za navedeni procenat.

Kako je kriterij za dodjelu ugovora u konkretnom slučaju „NAJNIŽA CIJENA“, komisija je ocijenila da je najpovoljnija ponuda ona koju je dostavio ponuđač „Svjetlost Sars“ d.d. Sarajevo, te je dala preporuku direktoru Federalne uprave za inspekcijske poslove da u ime ugovornog organa donese odluku kojom će ugovor o nabavci roba – kancelarijski materijal dodijeliti navedenom ponuđaču.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste


DIREKTOR
Anis Ajdinović

Dostaviti:

1. „Svjetlost - Sars“ d.d Sarajevo, Muhameda Kantardžića broj 3, 71000 Sarajevo
2. „Elkom“ d.o.o. Vitez, Divjak bb, 72250 Vitez
3. Sektor za materijalno-finansijske poslove
4. Sektor za tehničku podršku i plansko-analitičke poslove
5. Komsija za javne nabavke (a/a)


19-07-2019

Fehima ef.Čurčića br.6, 71000 Sarajevo, telefon 033 563 350, fax 033 563 351,
e-mail: info@fuzip.gov.ba, www.fuzip.gov.ba



